

Na osnovu člana 32. Zakona o zaštiti okoliša ("Službene novine Federacije BiH", broj 33/03 i 38/09), federalna ministrica okoliša i turizma donosi

**PRAVILNIK
O UTVRĐIVANJU USLOVA, KRITERIJA ZA ODOBRAVANJE I ODRŽAVANJE
CERTIFIKACIJE ZA ČLANOVE U STRUČNIM KOMISIJAMA ZA OCJENU
PLANOVA AKTIVNOSTI I STUDIJA O PROCJENI UTICAJA NA OKOLIŠ U
POSTUPKU IZDAVANJA OKOLINSKE DOZVOLE**

Član 1.

Na osnovu odredbi Zakona o zaštiti okoliša Federacije Bosne i Hercegovine ovim Pravilnikom utvrđuju se uslovi, kriteriji za odobravanje i održavanje certifikacije za članove u stručnim komisijama za ocjenu planova aktivnosti (u daljem tekstu: Plan) i studija o procjeni uticaja na okoliš (u daljem tekstu Studija).

Član 2.

Provođenje Pravilnika o utvrđivanju uslova, kriterija za odobravanje i održavanje certifikacije za članove u stručnim komisijama za ocjenu Planova i Studija je u nadležnosti Federalnog ministarstva okoliša i turizma (u daljem tekstu: federalno ministarstvo), koje u tu svrhu formira posebnu komisiju za ocjenjivanje podnesenih zahtjeva za certifikaciju. Članovi komisije su stalno zaposleni državni službenici. U komisiju se članovi imenuju rješenjem ministra. Mandat članova komisije traje četiri godine.

Član 3.

Komisija o načinu rada i ocjenjivanja donosi svoj Plan rada. Ključna ovlaštenja i odgovornosti komisije su:

- Razmatranje dokumenata relevantnih za dodjelu certifikata;
- Odobravanje, produženje ili opoziv certifikata stručnjaka.

Putem web stranice federalnog ministarstva www.fmoit.gov.ba komisija stavlja na raspolaganje ažurne informacije relevantne za rad certifikovanih stručnjaka, uključujući i listu stručnjaka koji osjeduju certifikat.

Član 4.

Kandidati za certifikovanog stručnjaka za ocjenu Planova i Studija mogu biti sva fizička lica sa prebivalištem u Federaciji Bosne i Hercegovine, koje u svom dotadašnjem obrazovanju i radnom iskustvu posjeduju reference potrebne za ocjenjivanje Plana i Studije.

Član 5.

Kandidat koji želi certifikaciju za stručnjaka za ocjenu Planova i Studija, dostavlja komisiji svoj zahtjev za sticanje certifikata certifikovanog stručnjaka za ocjenu Plana i Studije.

Član 6.

Uz zahtjev za sticanje certifikata certifikovanog stručnjaka za ocjenu Planova i Studija kandidat je dužan priložiti:

1. izvod iz matične knjige rođenih,
2. dokaz o visokoj stručnoj spremi,
3. uvjerenje o radnom iskustvu,
4. dokaz o plaćenju upravnoj taksi,
5. reference iz područja ocjenjivanja i izrade Planova i Studija.

Član 7.

Za sticanje statusa certifikovanog stručnjaka za ocjenu Planova i Studija potrebno je da kandidat ispuni opšte i posebne uslove:

Opšti uslovi su da kandidat poznaje:

1. Ustavno uređenje Bosne i Hercegovine i Federacije Bosne i Hercegovine,
2. Zakonodavstvo u oblasti okoliša u Federaciji Bosne i Hercegovine:
 - Zakon o zaštiti okoliša ("Službene novine Federacije BiH", broj 33/03, 38/09)
 - Zakon o zaštiti zraka ("Službene novine Federacije BiH", broj 33/03, 4/10)
 - Zakon o upravljanju otpadom ("Službene novine Federacije BiH", broj 33/03, 72/09)
 - Zakon o zaštiti prirode ("Službene novine Federacije BiH", broj 33/03)
 - Zakon o Fondu za zaštitu okoliša ("Službene novine Federacije BiH", broj 33/03)
 - Zakon o vodama ("Službene novine Federacije BiH", broj 70/06)
3. Zakon o upravnom postupku ("Službene novine Federacije BiH", broj 2/98)
4. Zakon o prostornom planiranju i korištenju zemljišta na nivou Federacije BiH ("Službene novine Federacije BiH", broj 02/06, 72/07 i 2/08)
5. Strategija zaštite okoliša Federacije BiH od 28.05.2009. godine
6. Postupak izdavanja okolinske dozvole za nova i postojeće pogone/postrojenja/instalacije

Posebni uslovi su:

7. Poznavanje uloge privrednih komora
8. Poznavanje osnova rada na računaru.

Kandidat za certifikovanog stručnjaka za ocjenu Planova i Studija treba u kraćem pisanom obliku prezentirati u dovoljnoj mjeri svoje poznavanje gore navedenih područja, kao i područje u kojem je dominantan.

Član 8.

U roku od trideset dana, od dana dostavljanja dokumentacije, komisija je dužna ocijeniti kandidata i utvrditi da li kandidat ispunjava uslove o odobravanju ili neodobravanju certifikata certifikovanog stručnjaka.

Nakon uvida u priloženu dokumentaciju kandidata, a najkasnije mjesec dana po prijemu iste, komisija ocjenjuje kandidata radi donošenja konačne odluke o odobravanju ili odbijanju zahtjeva za certifikaciju.

Na prijedlog komisije, u roku od osam dana, ministar federalnog ministarstva okoliša i turizma donosi odgovarajuće rješenje o odobravanju certifikacije ili odbijanju zahtjeva za certifikaciju.

Ukoliko je zahtjev odbijen, kandidat nema pravo na žalbu, ali u zakonom propisanom roku može pokrenuti upravni spor.

Član 9.

Certifikat se izdaje na neodređeni vremenski period.

Komisija planira i provodi aktivnosti nadzora nad radom certifikovanih stručnjaka kako bi provjerila ispunjavaju li kontinuirano potrebne kriterije za certifikovanog stručnjaka za ocjenu Planova i Studija.

Ukoliko komisija utvrdi da certifikovani stručnjak u svom radu na ocjenjivanju Planova i Studija ne zadovoljava kriterije bilo po pitanju stručnosti ili ažurnosti, komisija dostavlja federalnom federalnom ministarstvu prijedlog za opoziv certifikata certifikovanog stručnjaka.

Na osnovu prijedloga komisije, federalni ministar u roku od 8 dana donosi rješenje o opozivu certifikata certifikovanog stručnjaka.

Ukoliko je zahtjev odbijen, kandidat nema pravo na žalbu, ali u zakonom propisanom roku može pokrenuti upravni spor.

Član 10.

U slučaju opoziva certifikata, opozvani stručnjak može podnijeti novi zahtjev za certifikaciju tek po isteku 12 mjeseci od opoziva.

Član 11.

Odobranjem certifikata certifikovanog stručnjaka, certifikovana osoba stiče pravo na učešću u radu komisije za ocjenu Planova i Studija i ne može koristiti certifikat u druge svrhe.

Član 12.

Komisija vodi i ažurira listu certifikovanih stručnjaka koja je dostupna javnosti na ww.fmoit.gov.ba.

Član 13.

Donošenjem ovog Pravilnika prestaje da važi Pravilnik o edukaciji, programu obuke, stručnom ispitu i certifikaciji stručnjaka za ocjenu planova aktivnosti i studija o procjeni utjecaja na okoliš u postupku izdavanja okolinske dozvole ("Službene novine Federacije BiH", broj 39/10 i 80/10).

Član 14.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 05-02-23-415/12
Sarajevo 19. oktobra 2012. godine

Ministrica
Branka Đurić, s. r.

